

112 年全國語文競賽原住民族語朗讀 【海岸阿美語】 國小學生組 編號 3 號

O kimad ni akong

Itiya ho, ira ho ci akong ako, maolahay a mipakongko i tamiyanan o kaemangay, ano maliyang sa ko cima niyam, tadamaolahay ko kawas a mingitid to maliyangay a wawa sa, matalaw to to kangitid no kawas kami, lomowal to to dafak, awaay to ko maliyangay to piocor no malitengay.

Ano matoka sa kami, iraay ci toka hananay a kawas i lawac no loma' saan, tengil han so'elin ira ko “**Toka** toka” sanay a soni, o mamiala toya matokaay a wawa sa, matengil to awaay ko caay ka talaw niyam, awaay **to ko cima no** misanimanimaay.

To cila to, pakimad to ci akong to kacilemed ningra, matiniay ko lemed no mako saan, naikoran no faliyos inacila, adihay ko malefekay a kilang **no lotok** sa palemed i takowanan, matini awa to ko kasoy no loma', makahi kamo tayra haw? sa ci akong a milicay i tamiyanan a **malikaka**, Malingad to kami, nengneng han o mafalod to a masongila' koya kasoy, o pi'orong to niyam a mitado a **panokay**, tahira sa i loma', ira ci akong i papotal a mitala, itiya to a mafana' kami toya kasoy a maemin, saheto o mili'ayawan ni akong a mikasoy to 'ayaw ho a romi'ad.

Maraod to ko sakapito a folad, ira ko tadademak no niyaro' a maacang malikoda sa ci akong, saka misanga' to to lalosidang ca faki, misakapah to '**opih** nangra, misatanatanam a ciriko' ca faki, tadafangcal a nengnengen. Maraod to ko mihecaan namo a **malapakarongay**, maedeng to kamo saan, kawrira ira ko sowal no mako a pakimad tamowanan.

Itiya ho, ira koya cecay a kapah no niyaro' tadamatoka cingra, edeng saca tayra i 'alo mitala to masokilay nanikafafaw no nanom a mamakaen, hatira sanay ko 'orip nira. **To cecay** a mihecaan, maraod to kalikodaan, oyana to a tala'alo cingra, caka hacowa, ma'araw ningra ko cecay caay kamamang a toda masokil a malikelon, wata ko hemek nira, litemoh han nira mitala a mita'ong, o pafeli no kawas ko matiniay saan, sata'ota'ong sa cingra a **milena'** to nanom, **fohal** ira to koya toda, kalat han noya toda ko 'atongol nira, pa'icel noya toda caay ka pisawad, samanen ko matiniay sa cingra misaharateng, ala sato sasifin a mifalod toya toda a mi'ading, pilikodaan to hatira aca cingra a mifalod to sasifin, i hacowa a misatapang? Caay kafana'an, anini adihay sato ko mifaloday to sasifin i fongoh, aka matira a mifalod kamo to sasifin sa ci akong.

阿公的故事

阿公喜歡講故事給孩子聽，如果小孩不聽話，他就說鬼故事，說鬼喜歡把不聽話的小孩抓走，我們怕被抓走就很聽話。

他曾說屋外有叫做 toka 的鬼叫聲，他來抓懶惰的小孩，我們聽後都不敢懶惰。

有次阿公說了他的夢：「颱風後很多樹倒在那山頭，家中沒木材了，你們能否去把木頭扛下山？」我們到了後發現木材都捆好了，只要簡單的扛下山而已。到了家，阿公已在庭外等我們，我們才知道阿公幾天前就把木頭砍好了。

七月近了，阿公說部落會有大慶日慶豐收，叔叔他們已在準備頭飾與衣服。「等青少年時你們也能像那樣穿衣戴飾了，但我想說個故事。」阿公說。

從前有個懶惰青年，整天只知道到河裡等吃流下來的食物。那年豐年慶快到了，他仍往河邊去，沒多時，一隻大河鰻沖了下來，他認為是上天的禮物，不斷鞠躬，忽然間那鰻魚咬住他的額頭不鬆口。他想這該如何是好？於是拿毛巾包著那鰻遮住，慶豐收時也一樣包著，不知何時起，越來越多人用毛巾包著頭，阿公說你們千萬別那樣包著頭。